



vischnaunca da  
**sumvitg**

# Reglament pil diever da localitads communalas

## **C u n t e g n**

---

<b>I.</b>	<b>Determinaziuns generalas</b>	<b>3</b>
Art. 1	Intent e finamira	3
Art. 2	Occupaziun	3
Art. 3	Damondas	3
Art. 4	Survigilonza	3
Art. 5	Fimar	4
<b>II.</b>	<b>Diever regular</b>	<b>4</b>
Art. 6	Uras da diever	4
Art. 7	Calzers	4
Art. 8	Requisits	4
Art. 9	Clavs	4
<b>III.</b>	<b>Diever special</b>	<b>4</b>
Art. 10	Diever digl inventari	4
Art. 11	Uorden	5
Art. 12	Ustria	5
Art. 13	Schubergiar	5
<b>IV.</b>	<b>Taxas</b>	<b>5</b>
Art. 14	Taxas da diever	5
Art. 15	Taxas da schubergiar	5
<b>V.</b>	<b>Determinaziuns finalas</b>	<b>5</b>
Art. 16	Responsabladad	5
Art. 17	Disposiziuns penalas	6
Art. 18	Abrogaziun	6
Art. 19	Approbaziun e vigur	6

## I. Determinaziuns generalas

---

### Art. 1 Intent e finamira

La vischnaunca sco proprietaria metta a disposiziun localitads communalas e diversas apparatusas sco era plazs da giug per diever cultural, diever da sport ed auter.

### Art. 2 Occupaziun

<sup>1</sup> Il gerau da scolaesser ei responsabels per l'occupaziun dallas localitads communalas. El rimna entochen la fin digl onn da scola ils giavischs per localitads ed ev. plans d'occupaziun dallas uniuns per il proxim onn e redegia in plan d'occupaziun per mintga singula casa da scola.

<sup>2</sup> L'administraziun communal meina per mintga casa da scola in plan d'occupaziun el qual tuts termins e tuttas uras vegnan indicadas. Ella ei era responsabla per l'actualisaziun da quel.

<sup>3</sup> Mintga pedel posseda in plan d'occupaziun actualisau per la casa da scola nua ch'el ei responsabels.

<sup>4</sup> Tier l'occupaziun da localitads communalas han uniuns, societads, arranschaders ed organisaturs sesents en vischnaunca la preferenza.

<sup>5</sup> Occasiuns d'interess superieur sco per exempel radunonzas communalas, exposiziuns e specialas activitads dallas scolas han prioritad.

### Art. 3 Damondas

<sup>1</sup> Pil diever regular sto la damonda per localitads vegnir tschentada entochen la fin digl onn da scola al gerau da scolaesser.

<sup>2</sup> Per divertiments, exposiziuns, cuors, arranschaments, occasiuns specialas sto la damonda per localitads vegnir inoltrada alla canzlia communal cun il formular uffical aschi baul sco pusseivel, denton sil pli tard in meins avon.

<sup>3</sup> Tier damondas a cuort termin dat il gerau responsabel resp. il pedel la lubientscha sche las localitads giavischadas ein libras. Els informeschan ladinamein l'administraziun communal che completescha il plan d'occupaziun.

### Art. 4 Survigilanza

<sup>1</sup> Las casas da scola vegnan survigiladas dils pedels. Las localitads vegnan surdadas dils pedels e suenter il diever puspei returnadas a quels.

<sup>2</sup> Localitads resp. mobiliar, apparatusas e material da diever che stat sut survigilanza d'uniuns resp. appartegn a quellas vegn surdaus e prius anavos dallas uniuns tenor lur ordinaziuns.

## **Art. 5 Fimar**

En localitads communalas eis ei lubiu da fimar sulettamein tier occasiuns festivas.

## **II. Diever regular**

---

### **Art. 6 Uras da diever**

<sup>1</sup> Las hallas da gimnastica e las aulas stattan a disposiziun per diever regular tochen allas 23.00 uras.

<sup>2</sup> Duront il temps da vacanzas da scola stattan las localitads communalas medemamein a disposiziun.

### **Art. 7 Calzers**

En halla da gimnastica astga vegnir purtau duront exerchezis da gimnastica e sport sulettamein pantoflas che donnegieschan e tschufrognan buca il plantschiu e vegnan buca duvradas el medem temps era el liber.

### **Art. 8 Requisites**

<sup>1</sup> Requisites da gimnastica sco mattas, lattas da seglir, baras, bucs, cavals, e.a.v. astgan buca vegnir runai entuorn. Pil transport da tals ston ils indrezs e mieds specials avon maun vegnir duvrai.

<sup>2</sup> Requisites da gimnastica astgan buca vegnir duvrai el liber e sin plazzas da giug. Il gerau da scolaesser decida arisguard excepziuns.

### **Art. 9 Clavs**

<sup>1</sup> Il pedel da mintga scola ei responsabels per la repartiziun dallas clavs e meina ina controlla.

<sup>2</sup> Mintga uniun survegn max. 3 clavs. Ils caus dallas uniuns, gruppas, e.a.v. ein responsabels pigl arver e serrar las localitads.

## **III. Diever special**

---

### **Art. 10 Diever digl inventari**

<sup>1</sup> La vischnaunca resp. las uniuns mettan a disposiziun lur inventari (mobiliar, apparaturas e material da diever) per la halla, l'aula, la cuschina ed ulteriurs locals.

<sup>2</sup> Las uniuns san relaschar in reglament da diever per lur inventari che regla las modalitads da surprender e returnar igl inventari duvraus e che fixescha ils prezis da diever.

<sup>3</sup> Mintga organisatur ei responsabels pigl inventari surdaus ad el e sto tractar quel tenor ordinaziun dil possessur.

#### **Art. 11 Uorden**

Tut tgi che drova localitads communalas ei responsabels per in survetsch d'uorden cunvegnet ed ei obligaus da dar suatientscha allas indicaziuns dil pedel.

#### **Art. 12 Ustria**

Il menaschi d'ustria sedrezza tenor il reglament d'ustria dalla vischnaunca.

#### **Art. 13 Schubergiar**

<sup>1</sup> Las localitads duvradas ed ils plazs avon scola ein da schubergiar da grob.

<sup>2</sup> Ils cuosts per schubergiar sco era per la dismessa dils rumians vegnan adossai als organisaturs entras la vischnaunca.<sup>1</sup>

### **IV. Taxas**

---

#### **Art. 14 Taxas da diever**

<sup>1</sup> Pil diever regular dallas localitads communalas sco era per occasiuns specialas pagan las societads ed uniuns da vischnaunca, gruppas d'interess communalas ed uniuns e societads regionalas cun commembers dalla vischnaunca da Sumvitg negina contribuziun.

<sup>2</sup> Per igl ulteriur diever dallas localitads communalas vegnan las taxas fixadas dalla suprastanza communal. Las gliestas corrispudentas san vegnir retratgas dalla canzlia communal.

#### **Art. 15 Taxas da schubergiar**

Las taxas da schubergiar vegnan fixadas dalla suprastanza communal. Las gliestas corrispudentas san vegnir retratgas dalla canzlia communal.

### **V. Determinaziuns finalas**

---

#### **Art. 16 Responsabladad**

<sup>1</sup> La vischnaunca da Sumvitg refusescha scadina responsabladad visavi tiarzas personas che fan diever da localitads communalas.

---

<sup>1</sup> Art. 13: Revisiun tenor conclus dalla radunonza communal dils 11-12-2000 (protocol nr. 6)

<sup>2</sup> Las uniuns resp. ils organisaturs ein responsabels per tuts donns caschunai entras tiarzas persunas. La suprastonza sa pretender digl organisatur en connex cun la lubientscha ina segirada da responsablada.

<sup>3</sup> Las uniuns resp. ils organisaturs ein responsabels per tuts donns caschunai vid baghetgs, indrezs, mobílias, requisits ed instruments. Donns caschunai vegnan protocolai dil pedel tier la surdada dallas localitads resp. digl inventari.

### **Art. 17 Disposiziuns penalas**

Ad organisaturs che setegnan buca vid igl uorden e las ordinaziuns dalla suprastonza, dil pedel e dils possessurs d'inventari san ulteriuras lubientscha da diever vegnir refusadas.

### **Art. 18 Abrogaziun**

Quest reglament remplazza il „Reglament per il diever dallas localitads communalas dalla vischnaunca da Sumvitg“ dils 10 da mars 1993.

### **Art. 19 Approbaziun e vigur**


Quest reglament passa en vigur cun l'approbaziun entras la radunonza communal dils 22-03-1999

il president communal



Placi Michèl Wenzin

igl actuar communal



Martin Monn